

龍文鞭影

卷之二

八齊

子晉牧豕，仙翁祝雞。武王歸馬，裴度還犀。  
重耳霸晉，小白興齊。景公禳慧，竇儼占奎。  
卓敬馮虎，西巴釋甕。信陵捕鷓，祖逖聞雞。  
趙苞棄母，吳起殺妻。陳平多轍，李廣成蹊。  
烈裔刻虎，溫嶠燃犀。梁公馴雀，茅容割雞。

九佳

禹鈞五桂，王祐三槐。同心向秀，肖貌伯偕。  
袁閔土室，羊侃水齋。敬之說好，郭訥言佳。  
陳瓘責己，阮籍詠懷。

十灰

初平起石，左慈擲杯。名高麟閣，功顯雲台。  
朱熹正學，蘇軾奇才。淵明賞菊，和靖觀梅。  
雞黍張範，膠漆陳雷。耿弇北道，僧孺西台。  
建封受貺，孝基還財。準題華嶽，綽賦天台。  
穆生決去，賈鬱重來。台烏成兆，屏雀爲媒。  
平仲無術，安道多才。楊億鶴蛻，竇武蛇胎。  
湘妃泣竹，鉏耨觸槐。陽雍五壁，溫嶠一台。

十一真

孔門十哲，殷室三仁。晏能處己，鴻恥因人。  
文翁教士，朱邑愛民。太公釣渭，伊尹耕莘。  
皋惟團力，泌僅獻身。喪邦黃浩，誤國章惇。  
鞅更秦法，普讀魯論。呂誅華士，孔戮聞人。  
暴勝持斧，張綱埋輪。孫非識面，韋豈呈身。  
令公請稅，長孺輸緡。白州刺史，絳縣老人。  
景行蓮幕，謹選花裯。郗超造宅，季雅買鄰。  
壽昌尋母，董永賣身。建安七子，大曆十人。  
香山詩價，孫濟醕緡。令嚴孫武，法變張巡。  
更衣范冉，廣被孟仁。筆床茶竈，羽扇綸巾。  
灌夫使酒，劉四罵人。以牛易馬，改氏爲民。  
壙先表聖，燈候沈彬。

十二文

謝敷處士，宋景賢君。景宗險韻，劉暉奇文。  
袁安臥雪，仁傑望雲。貌疏宰相，腹負將軍。  
梁亭竊灌，曾圃誤耘。張巡軍令，陳琳檄文。  
羊殖益上，寧越彌勤。蔡邕倒屣，衛瓘披雲。  
巨山龜息，遵彥龍文。

### 十三 元

傲倪昭諫，茂異簡言。金書夢噍，紗護卜藩。  
童恢捕虎，古冶持鼃。何奇韓信，香化陳元。  
徐幹中論，揚雄法言。力稱烏獲，勇尙孟賁。  
八龍荀氏，五豸唐門。張瞻炊臼，莊周鼓盆。  
疏脫士簡，博奧文元。敏修未娶，陳嶠初婚。  
長公思過，定國平冤。陳遵投轄，魏勃掃門。  
孫璉織履，阮鹹曝禪。晦堂無隱，滄山不言。

### 十四 寒

莊生蝴蝶，呂祖邯鄲。謝安折屐，貢禹彈冠。  
顛容王導，浚殺曲端。休那題碣，叔邵憑棺。  
如龍諸葛，似鬼曹瞞。爽欣御李，白願識韓。  
黔婁布被，優孟衣冠。長歌寧戚，鼾睡陳搏。  
曾參務益，龐德遺安。穆親杵臼，喬化芝蘭。  
葛洪負笈，高鳳持竿。釋之結襪，子夏更冠。  
直言唐介，雅量劉寬。捋鬚何點，捉鼻謝安。  
張華龍鮓，閔貢豬肝。淵材五恨，郭奕三歎。  
弘景作相，延祖棄官。二疏供帳，四皓衣冠。  
曼卿豪飲，廉頗雄餐。長康三絕，元方二難。  
曾辭溫飽，城忍饑寒。買臣懷綬，逢萌掛冠。  
循良伏湛，儒雅兒寬。歐母畫荻，柳母和丸。  
韓屏題葉，燕姑夢蘭。漂母進食，浣婦分餐。

### 十五 刪

令威華表，杜宇西山。范增舉玦，羊祜探環。  
沈昭狂瘦，馮道癡頑。陳蕃下榻，郅憚拒關。  
雪夜擒蔡，燈夕平蠻。郭家金穴，鄧氏銅山。  
比干受策，楊寶掌環。晏嬰能儉，蘇軾爲慳。  
堂開洛水，社結香山。臘花齊放，春桂同攀。